

**KANTONALNA  
PRIVREDNA  
KOMORA TUZLA**

**BROJ 5 i 6/19,  
maj/juni  
2019. godine**



# **KOMORSKI INFORMATOR**



**POVJERENJE, SIGURNOST  
I STABILNOST SU KLJUČNE  
SNAGE I VRIJEDNOSTI NOVE  
BANKE**



**SOLANA NAGRAĐUJE MLADE  
INOVATORE**



**POSLOVNI SUSRETI  
PRIVREDNIKA TK I VOJVODINE**



**DELEGACIJA KOMORE TUZLA U  
PK BEOGRADA**



## Komorski informator Uvod

Poštovani čitaoci!



Evo i naslova koje preporučujemo iz Komorskog informatora za period maj/juni 2019. godine:

- *Potpisan Memorandum o razumijevanju: Udruženje za razvoj NERDA, Kantonalna privredna komore Tuzla i Deutsche Gesellschaft für Internationale Zusammenarbeit (GIZ) GmbH*
- *Prezentacija u Komori: Inovativna poslovna rješenja bazirana na digitalnim tehnologijama u malim i srednjim preduzećima*
- *Povjerenje, sigurnost i stabilnost su ključne snage i vrijednosti Nove banke*
- *Solana nagrađuje mlade inovatore: Nastavlja se rad sa mladim ljudima koji su spremni za stvarne poslovne izazove*
- *Lječilište Aqua Bristol: Na nekadašnjem prostoru hotela „Bristol“ izgrađen je novi „Uni Bristol“ kompleks u čijem sastavu osim prelijepog hotela Mellain, stambenog dijela, djeluje i „Uni Bristol rekreacioni centar“ kao i Lječilište „Aqua Bristol“*
- *Iz Vlade FBiH poručuju: Ubrzati izgradnju termoblokova Tuzla, Kakanj, Banovići*
- *Austrijski Magnolux zainteresovan za implementaciju ekoloških projekata u TK: Prezentirani projekti su dobri primjeri i ukazuju na moguće pravce budućeg djelovanja*
- *Blok 7 - gotovo sve spremno za realizaciju najveće investicije*
- *Uspješno organizovani B2B susreti: Poslovni susreti privrednika TK i Vojvodine*
- *Međukomorska saradnja: Delegacija komore Tuzla u PK Beograda*
- *Privreda TK na sajmovima: U Sarajevu održan deveti sajam „Energia“, u Lukavcu održan sajam „LIST 2019“*
- *Održan stručni skup: „Kontinentalni turizam-razvojne šanse BiH“*
- *Uskoro značajne sajamske manifestacije: Gradačac: Sajam šljive od 28. do 31. avgusta, Budva: 41. Sajam građevinarstva, 25-29. septembar 2019.*
- *Komora objavila Javni poziv za usavršavanje za NO i UO*

Dino Kalesić  
gl. i odg. urednik

## Komorski informator Sadržaj

### KANTONALNA PRIVREDNA KOMORA TUZLA

**KOMORSKI INFORMATOR  
BROJ 5 i 6/19,**  
maj/juni  
2019. godine

#### IZDAVAČKI SAVJET:

1. Nedret Kikanović, član
2. Mirsad Kukić, član
3. Bajazit Jašarević, član
4. Suad Selimović, član
5. Nurudin Žunić

#### REDAKCIJSKI KOLEGIJ:

1. Nedret Kikanović, član
2. Almir Mešić, član
3. Nurudin Žunić, član
4. Suad Selimović, član

#### IZDAVAČ:

Kantonalna privredna  
komora Tuzla

#### GL. I ODGOVORNI UREDNIK:

Dino Kalesić

#### TEHNIČKA PRIPREMA, REPRO I ŠTAMPA:

GRIN d.o.o. Gračanica

#### ZA ŠTAMPARIJU:

Adnan Imerović, direktor

#### TIRAŽ:

500 primjeraka.

#### ADRESA:

Trg slobode bb  
e-mail: [kpktz.ba@bih.net.ba](mailto:kpktz.ba@bih.net.ba)  
<http://www.kpktz.ba>

	Potpisan Memorandum o razumijevanju	5
	Inovativna poslovna rješenja bazirana na digitalnim tehnologijama u malim i srednjim preduzećima	6
	Povjerenje, sigurnost i stabilnost su ključne snage i vrijednosti Nove banke	7
	Solana nagrađuje mlade inovatore	8
	Lječilište Aqua Bristol	9
	Blok 7 - gotovo sve spremno za realizaciju najveće investicije	11
	Poslovni susreti privrednika TK i Vojvodine	12
	Delegacija komore Tuzla u PK Beograda	13
	U Sarajevu održan deveti sajam „Energia“	14
	Održan sajam "LIST 2019"	15
	"Kontinentalni turizam-razvojne šanse BiH"	16
	Gradačac: Sajam šljive od 28. do 31. avgusta	17
	Bihać: "Ekobis 2019" od 12. do 15. septembra	19



Led display na zgradi Komore...

## NOVA USLUGA ČLANICAMA I FIRMAMA U TK




Poštovani, Led digitalno oglašavanje, u poređenju s tradicionalnim medijima oglašavanja, poput billboarda, čijeg se sadržaja jedva sjeti manji od 40 posto gledatelja, u zadnje vrijeme ima velike prednosti. Osim mogućnosti višestrukog reklamiranja jednog oglašivača na istom mediju, dokazano je da su pokretne reklamne poruke daleko više privlačnije nego statične reklame. Obavještavamo vas da je Kantonalna privredna komora Tuzla u prilici ponuditi vam oglašavanje na našem led displayu po povoljnim uslovima.



POSTANITE PARTNER KANTONALNE PRIVREDNE KOMORE  
TUZLA!!!  
OGLASITE SE NA NAŠEM LED DISPLAY PROSTORU!!!  
ISKORISTITI IZUZETNO POVOLJNE GODIŠNJE I  
ŠESTOMJESEČNE PONUDE!!!  
POSEBNE POGODNOSTI ZA FIRME ČLANICE KOMORE!!!  
Kantonalna privredna komora Tuzla  
Kontakt osoba: Dino Kalesić  
mob: 061/164-311  
tel: 035/369-562  
mail: dino@kpktz.ba

POSJETITE NAS! DOĐITE DA SE DOGOVORIMO!!!



“Inovacije i digitalizacija u MSP u BiH”...

## Potpisan Memorandum o razumijevanju

Udruženje za razvoj NERDA, Kantonalna privredna komore Tuzla i Deutsche Gesellschaft für Internationale Zusammenarbeit (GIZ) GmbH



Na osnovu sporazuma o zajedničkoj saradnji na polju lokalnog ekonomskog razvoja, u Komori Tuzla je potpisan Memorandum o razumijevanju. Potpise na ovaj dokument koji će služiti kao polazna osnova korištena za određivanje najšireg okvira za saradnju, stavili su Enes Drlević direktor Udruženja za razvoj NERDA, Nedret Kikanović predsjednik Kantonalne privredne komore Tuzla i Karin Rau rukovodilac projekta Inovacije i digitalizacija u MSP u BiH pri Deutsche Gesellschaft für Internationale Zusammenarbeit (GIZ) GmbH.

Kako je istaknuto prilikom potpisivanja Memoranduma, potpisnice na ovaj način u zajedničkom interesu uspostavljaju odnos tehničke saradnje kako bi podržali dogovorene aktivnosti u vezi sa unapređenjem poslovanja a na način i pod uslovima navedenim u Dokumentu. Naglašeno je da će se saradnja razvijati s ciljem stvaranja pozitivnijeg poslovnog okruženja koje će doprinijeti unapređenju konkurentnosti lokalnih malih i srednjih preduzeća.

Aktivnosti će se realizovati u okviru projekta “Inovacije i digitalizacija u MSP u BiH” a sastoje se od obuka i savjetodavnih aktivnosti te, u manjoj mjeri, obezbjeđenja materijala i opreme po potrebi i u skladu sa mogućnostima i mandatom projekta “Inovacije i digitalizacija u MSP u BiH” čije je sjedište u Sarajevu.

Tri su polja na kojima će se odvijati saradnja strana potpisnica Memoranduma. Podrška u pogledu podizanja svijesti i senzibilizacije na temu inovacija i digitalizacije u MSP podrazumijeva prikupljanje i pripremu dobrih primjera inovativnih kompanija i digitalnih rješenja u MSP, te informisanje i podizanje svijesti putem sponzorstva/ zajedničke organizacije okruglih stolova i relevantnih događaja. Drugo polje predstavlja Podršku za poboljšanje i uspostavljanje usluga inovacija i digitalizacije. Ovdje su neophodni identifikacija pružalaca IT usluga (uključujući start-up ove) koji već pružaju usluge lokalnim MSP, definisanje potencijalnih prijedloga projekata za

različite grant šeme/ programe podrške, organizacija različitih obuka usmjerenih na poboljšanje inovacijskih i digitalizacijskih kapaciteta MSP iz tradicionalnih (ne-IKT) sektora, organizovanje različitih obuka u cilju poboljšanja kapaciteta pružalaca IT usluga i iniciranje razvojnih partnerstava za uvođenje inovacija i digitalnih rješenja u lokalne MSP.



Podrška usmjerena na razvoj relevantnih politika i partnerstava za inovacije je treće polje saradnje a podrazumijeva uspostavljanje i funkcionisanje regionalne platforme za digitalnu transformaciju u malim i srednjim preduzećima, u cilju predstavljanja, diskusije i lobiranja za politike, strategije, institucionalne postavke i mjere koje promovišu inovacije i digitalizaciju u malim i srednjim preduzećima. Memorandum će biti na snazi do 30. septembra 2021. godine.



Prezentacija u Komori...

## Inovativna poslovna rješenja bazirana na digitalnim tehnologijama u malim i srednjim preduzećima

Kantonalna privredna komora Tuzla, Udruženje za razvoj NERDA i Deutsche Gesellschaft für Internationale Zusammenarbeit (GIZ) GmbH



Kantonalna privredna komora Tuzla u saradnji sa Udruženjem za razvoj NERDA i Deutsche Gesellschaft für Internationale Zusammenarbeit (GIZ) GmbH organizovali su sredinom juna zajedničku prezentaciju u Komori. Riječ je o prezentaciji Inovativna poslovna rješenja bazirana na digitalnim tehnologijama u malim i srednjim preduzećima (MSP) u BiH koja se realizuje u sklopu projekta Inovacije i digitalizacija u malim i srednjim preduzećima u BiH. Učesnici ovog supa su imali priliku upoznati se sa planiranim aktivnostima projekta, te primjerima digitalnih rješenja iz BH poslovne prakse.

Kako je istaknuto, primarni cilj projekta „Inovacije i digitalizacija u malim i srednjim preduzećima u BiH“ je da obezbjedi podršku malim i srednjim preduzećima (MSP) u BiH da unaprijede svoje inovacione kapacitete putem korištenja digitalnih tehnologija, a kroz aktivnosti koje će u MSP unaprijediti razumijevanje prilika koje proizilaze iz poslovnih inovacija baziranih na digitalnim rješenjima, unaprijediti raspoloživost odgovarajuće podrške za preduzeća u ovoj oblasti. Također, cilj je ojačati saradnju MSP sa donosiocima relevantnih politika, predstavnicima javnog sektora i naučno-istraživačkih institucija. Uzimajući u obzir predočeni interes, kapacitete i potrebe MSP u ovoj oblasti, biće odabrano približno 200 preduzeća u BiH, sa kojima će se direktno saradivati u provođenju aktivnosti projekta Inovacije i digitalizacija u malim i srednjim preduzećima u BiH. Projekat se, se u ovoj fazi, provodi u periodu od marta 2019. godine do septembra 2021. godine. U okviru prezentacija i diskusija vezanih za projekat „Inovacije i digitalizacija u malim i srednjim preduzećima u BiH“ učestvovali su predstavnici firmi

„Imel“ doo Lukavac, „RPC Superfos“ Gračanica, „InfoPuls/FARMOFIT“ i „DKR“ Njemački centar za robotiku.



Nakon prezentacije upriličena je posjeta DKR Centru i prezentacija industrijskih robota. S obzirom na sve veću ulogu digitalne transformacije u privredi, kako na globalnom tako i na lokalnom nivou, a u cilju podizanja efikasnosti poslovanja preduzeća, skup je privukao veliki broj zainteresovanih predstavnika privrednih subjekata sa području Tuzlanskog kantona i članica Kantonalne privredne komore Tuzla.

D.K.



Iz Nove banke AD Banja Luka...

## Povjerenje, sigurnost i stabilnost su ključne snage i vrijednosti Nove banke

Jedna od vodećih banaka u BiH - Širok portfolio tradicionalnih bankarskih usluga - Pozitivan trend je nastavljen i u prvih pet mjeseci 2019. godine



Nova banka AD Banja Luka posluje na tržištu Bosne i Hercegovine od 1999. godine i to kao jedna od prvih privatnih banaka u Bosni i Hercegovini. Od tada pa do danas, Banka je izrasla u jednu od vodećih banaka u Republici Srpskoj i Bosni i Hercegovini. Osnovana je 1999. godine i od samih početaka Banka ima za cilj da izgradi svoje poslovanje, odnos prema partnerima i klijentima na visoko profesionalnom, fer i stabilnom odnosu. Povjerenje, sigurnost i stabilnost su ključne snage i vrijednosti Nove banke.

Banka nudi širok portfolio tradicionalnih bankarskih usluga

(uključujući različite vrste kredita, dokumentarnih poslova, depozita i štednje, platnih transakcija i transfera novca, mjenjačkih poslova i slična), ali takođe obavlja i veliki broj primarno nebankarskih aktivnosti kao što su brokerske operacije, kastodi poslovanje, factoring i forfaiting. Klijentima Nove banke su obezbjeđeni proizvodi koji su krojeni po njihovoj mjeri, poslovanje Banke se prilagođava uslovima poslovanja Klijenata, a cilj je da im se pruži brzina i fleksibilnost u rješavanju svih zahtjeva.

U 2018. godini Nova banka je nastavila trend pozitivnog poslovanja, aktiva je nastavila rasti i dostigla nivo od 1,95 milijardi KM, i uz dobit od 10 miliona KM, zadržana je jedna od vodećih pozicija u Bosni i Hercegovini.

Pozitivan trend je nastavljen i u prvih pet mjeseci 2019. godine. Banka bilježi još bolje rezultate, rast aktive, kredita, depozita i dobiti. Plan do kraja godine je rast aktive do 5 % kao i jačanje finansijske performanse banke, naročito adekvatnost kapitala, rezerve i zarađivačku moć banke.

Visina aktive Nove banke pokazatelj je izuzetne uspješnosti u segmentu kreditnih aktivnosti i prilagođavanja kreditnih proizvoda zahtjevima i potrebama klijenata. Svojom ponudom usmjerenom prema stanovništvu, a u nastojanju da klijentima uvijek obezbijedi što kvalitetniju i pristupačniju paletu kreditnih proizvoda Nova banka je početkom godine pokrenula novu akciju i kampanju, u okviru koje posebno izdvaja svoje nenamjenske i zamjenske kredite. Krediti se odobravaju sa fiksnom kamatnom stopom, što znači da anuitet kredita ostaje nepromijenjen tokom cijelog perioda otplate.

Značajno su olakšane procedure odobrenja kredita, te se kredit, za klijente koji ispunjavaju uslove, odobrava veoma brzo, u roku od najviše 48 sati.

Kamatna stopa za nenamjenske i zamjenske kredite kreće se već od 2,9% (EKS 5,99%) dok maksimalna kamatna stopa za period otplate do 10 godina iznosi 4,99% odnosno EKS 5,90%.

Klijenti mogu da biraju željeni iznos do 50.000,00 KM i period otplate do 10 godina. Krediti se odobravaju bez jemaca i hipoteke, uz polisu osiguranja.

Banka je pokrenula veliki broj aktivnosti na diferenciranju i jačanju korporativnog identiteta, društveno odgovornog upravljanja i implementaciji standarda korporativnog upravljanja, što je zajednica u kojoj Banka posluje prepoznala i priznala kroz veoma značajne nagrade, od kojih izdvajamo priznanje za najveći plasman kredita privredi u 2017. godini koje je Nova banka primila u okviru manifestacije „Izbor najuspješnijih u privredi Republike Srpske za 2017. godinu“ u organizaciji Privredne komore Republike Srpske.

Posebnu pažnju Banka posvećuje i procesu digitalizacije, tačnije tehničko-tehnološkim unapređenjima koji će klijentima da omoguće brže i lakše korištenje bankarskih usluga. Nakon uvođenja elektronskog bankarstva, Banka je i u završnoj fazi uvođenja mobilnog bankarstva. U rad su pušteni i multifunkcionalni uređaji koji klijentima omogućavaju samostalno korištenje više bankarskih usluga, i samim tim uštedu vremena koje bi proveli čekajući na šalterima, pružajući komoditet u samostalnom korištenju više proizvoda tokom 24 sata dnevno svih 7 dana u sedmici.





U toku su prijave...

## Solana nagrađuje mlade inovatore

Nastavlja se rad sa mladim ljudima koji su spremni za stvarne poslovne izazove

since 1885

# SOLANA®

*Kvalitet sa tradicijom!*

# !INNOVATION challenge

Takmičenje "Innovation challenge" koje je prošle godine održano u kompanijama Vispak i AS d.o.o., a ove u Klas d.d. Sarajevo izazvalo je veliku pažnju kod mladih ljudi koji u ovom projektu vide priliku za predstavljanje svojih inovativnih ideja ali i sticanja novih iskustava, znanja i osvajanja vrijednih novčanih nagrada.

Nakon tri uspješno organizirana Innovation Challenge takmičenja Solana d.d. Tuzla priključuje se kompanijama AS Holdinga, te nastavlja rad sa mladim ljudima koji su spremni za stvarne poslovne izazove.

"Radujemo se predstojećim danima zbog činjenice da ćemo Solanu i Tuzlansku so vidjeti iz druge perspektive, očima mladih ljudi. Naša najveća vrijednost su zaposlenici, ogromno znanje i iskustvo koje u Solani generiramo od 1885. godine, te želimo nastaviti u tom smjeru podržavajući ovaj način poticanja mladih. Budite dio tima koji donosi uspjeh, budite u okruženju koji će potaći vaše razmišljanje o boljoj budućnosti i sjajno se zabavite", istakao je Bakir Smailagić, direktor kompanije Solana d.d. Tuzla.

Solana je za ovo takmičenje odabrala dva poslovna izazova. Prvi je "Slana strana budućnosti" u kojem je zadatak ojačati imidž i brend postojećih proizvoda i kompanije Solana d.d. Tuzla u procesu digitalne transformacije upotrebom različitih komunikacionih kanala. Za drugi izazov "Tuzlanska so kao prirodni kristal zdravlja i ljepote" neophodno je osmisliti novi zabavan i inovativan proizvod na bazi Tuzlanske soli.

Sve što je potrebno jeste uraditi koncept inovacije ili odgovora na izazov na osnovu smjernica koje su zadane u uputama, a koje možete pronaći na web stranici challenge.solana.ba, te snimiti kratki video koji prezentuje ideju, postaviti ga na YouTube i u konceptu ostaviti link istog.

Ukoliko imate od 18 do 25 godina, te želite praktično iskustvo koje će biti značajna referenca u vašim karijerama, volite izazove i proaktivni ste, onda je ovo takmičenje pravi izbor za vas.

Vaš zadatak je da okupite tim od tri osobe, odaberete slučaj i ponudite koncept na izazove u smjeru inovativnog djelovanja. Prijave i slanje rješenja možete vršiti do 18. juna 2019. godine. Nakon toga slijedi finale 27. i 28. juna 2019. godine u Solani u Tuzli gdje će osam odabranih timova usmeno prezentovati svoje ideje.

Tri najbolja rješenja poslovnih slučajeva kompanija Solana d.d. Tuzla nagrađuje novčanim nagradama u vrijednosti od:

1. mjesto – 1.500 KM,
2. mjesto – 1.000 KM, i
3. mjesto – 500 KM.

Osim novčanih nagrada finalisti mogu osvojiti i nagrade kao što su prakse, pripravnički angažman, dodatne edukacije, seminari...

Sve informacije možete dobiti na e-mail [solanaic@solana.ba](mailto:solanaic@solana.ba) ili putem web stranice [challenge.solana.ba](http://challenge.solana.ba).



D.K.



Predstavljamo ponudu novih članica Komore...

## Lječilište Aqua Bristol

Na nekadašnjem prostoru hotela „Bristol“ izgrađen je novi „Uni Bristol“ kompleks u čijem sastavu osim prelijepog hotela Mellain, stambenog dijela, djeluje i „Uni Bristol rekreacioni centar“ kao i Lječilište „Aqua Bristol“



Korištenje i ljekovitost tuzlanske slane vode poznato je više od deset vijekova a oblast grada Tuzle je bila poznata kao slana regija. Naziv salinea potiče iz doba vladavine Rimljana iz II vijeka a p.n.e. Turci su kasnije po soli dali i ime gradu Tuzla. Prve analize slane vode za zdravstvene potrebe rađene su mnogo kasnije, a radio ih je bečki balneolog Ernest Ludwig 1887. Poređenjem sastava sa plemenitom slanicom iz Reichenhaala postavljene su prve indikacije za liječenje slanom vodom. Među njenim prvim korisnicima je bio austrougarski car Franjo Josip. Na nekadašnjem prostoru hotela „Bristol“ izgrađen je novi „Uni Bristol“ kompleks u čijem sastavu osim prelijepog hotela Mellain, stambenog dijela, djeluje i „Uni Bristol rekreacioni centar“ kao i Lječilište „Aqua Bristol“ sa visokostručnim i kvalifikovanim osobljem, najmodernijom i najsavremenijom vrstom usluga koje možete naći na ovim prostorima Bosne i Hercegovine i šire, a koje zadovoljavaju evropske standarde. Sve preventivne i terapijske procedure provode se na uređajima vrhunskih svjetskih proizvođača, pod rukovodstvom profesora - specijalista fizijatrije i reumatologije i visoko educiranog osoblja. Osim ljekovitog bazena sa plemenitom slanicom, kompletno opremljenog bloka za hidroterapiju - kupki sa podvodnom masažom, bisernih kupki, Habardove kade i četvoročelijskih kupki, raspoložemo sa svim procedurama toplotne i krioterapije te svim oblicima elektro i zvučne terapije, terapijskim laserom, kao i jedinstveno u BiH, T-CARE aparatom koji pospješuje regeneraciju mekih tkiva i kosti. Za respiratorne tegobe imamo prelijepo dizajniranu slanu sobu- haloterapiju koju mogu da koriste odrasli i djeca. Za zdrave ljude koji žele da sačuvaju svoje zdravlje nudimo brojne vrste medicinskih i relaksacionih masaža, kao i sve ostale procedure kojima se liječe oboljeli od reumatskih, neuroloških, ginekoloških oboljenja, bolesti respiratornog trakta, bolesti lokomotornog sistema i endokrinoloških bolesti. Naši gosti imaju i mogućnost specijalističkog opšteg zdravstvenog pregleda, povoljne usluge laboratorijske dijagnoatike, te paket usluge kompletne kardiološke obrade koja uključuje kardiološki pregled, odgovarajuće laboratorijske nalaze, UZ srca i ergometriju srca. Pored ambulatnog liječenja, imamo i stacionarno liječenje u okviru našeg lječilista, gdje klijenti imaju na raspolaganju dvokrevetne sobe, a klijenti hotela Mellain imaju direktni pristup u lječilište.

Osobita nam je čast činjenica da je prvi gost i pacijent ove banje bio iz Austrije, car Austro – Ugarske monarhije, Franjo Josip bio je prvi koji je brigu o svom zdravlju prepustio banji iz Tuzle. Postoji direktna komunikacija između Mellain

Hotela i Lječilišta Aqua Bristol koji sa kvalitetno i lijepo uređenim prostorom, vlastitim izvorom slane vode, vrhunskom medicinskom opremom i edukovanim osobljem garantuje veoma ugodan boravak i brz oporavak u Lječilištu. Lječilište AQUA Bristol je trenutno najpoželjnije mjesto za obavljanje fizikalne terapije i specijal-ističkih medicinskih usluga u BiH, sa korištenjem slane tuzlanske vode.

**TERAPIJE:** - Ultrazvučna terapija - Terapija laserom, - Magnetoterapija - Termoterapija- Galvanske struje- TENS- Interferentne struje - Dijadinamske struje - Mišićna stimulacija- Manualna medicinska masaža- Endopress aparat za limfnu drenažu gornjih i donjih ekstremiteta - TCARE- Haloterapija (slana soba)- Hidroterapija (podvodna tuš masaža, biserna kupka, četvoročelijske galvanske kupke. Hubbardova kada, mineralna i aromatična kupka, bazen)- Kineziterapija



Lječilište se nalazi u samom centru Tuzle kao najvećeg grada sjeveroistočne Bosne smještena na obroncima Majevice, a sa jugozapadne strane su planine Konjuh i Ozren. Nadmorska visina od 231 metar obu banju svrstava u geografska područja BiH sa nizinskom, umjereno kontinentalnom klimom. Lječilište je udaljeno od aerodroma Tuzla 12, od Sarajeva 120, a od autoputa Beograd-Zagreb 80 kilometara. Više informacija na [www.aquabristol.ba](http://www.aquabristol.ba).



D.K.



Iz Vlade FBiH...

## Ubrzati izgradnju termoblokova Tuzla, Kakanj, Banovići

Analizirati održivost eksploatacije uglja u pojedinim pogonima rudnika



Vlada FBiH je usvojila informaciju Federalnog ministarstva energije, rudarstva i industrije o stanju u zavisnim društvima rudnici uglja, koja posluju u sastavu Koncerna JP Elektroprivreda BiH d.d. Sarajevo, s pregledom rezultata u periodu 2009.-2017. godina. Elektroprivreda BiH zadužena je da sačini analizu sadašnjih organizacionih odnosa između vladajućeg i zavisnih društava, upravljanju vladajućeg društva zavisnim i upravljanju u zavisnim društvima, uključujući i vođenje kadrovske politike s prijedlogom rješenja i dostavi je Federalnom ministarstvu energije, rudarstva i industrije. Ovo ministarstvo i EPBiH su zaduženi da nastave proces prestrukturiranja elektroenergetskog sektora i rudnika uglja i sačine odgovarajući program. Također su dužni da ubrzaju sve aktivnosti vezane za izgradnju zamjenskih termoblokova Bloka 7 u TE Tuzla i Bloka 8 u TE Kakanj, kao i novog bloka u TE Banovići, i da osposobe rudnike za te potrebe, uključujući i reviziju rezervi uglja u Federaciji BiH. Elektroprivreda BiH će, zaključila je Vlada, analizirati održivost eksploatacije uglja u pojedinim pogonima rudnika iz ekonomsko-finansijske, tehničko-tehnološke, socijalne i sugurnosne perspektive, te na osnovu toga predložiti donošenje potrebnih odluka. Usvojena informacija će biti dostavljena Parlamentu FBiH.

Iz Vlade TK...

## Austrijski Magnolux zainteresovan za implementaciju ekoloških projekata u TK

Prezentirani projekti su dobri primjeri i ukazuju na moguće pravce budućeg djelovanja



Premijer Tuzlanskog kantona Jakub Suljkanović primio je u posjetu Andreasa Hafnera i Evalda Ajhlbergera, predstavnike kompanije Magnolux iz Austrije. Tema razgovora bila je ekološka osviještenost i mogućnost implementacije ekološki prihvatljivih projekata u pogledu instaliranja ekološki prihvatljive LED rasvjete na javnim površinama, čime se bavi kompanija Magnolux. Kako su gosti istaknuli, ova kompanija nudi i garantira ugradnju najnovije tehnologije za osvjetljavanje javnih objekata i površina, čime se postiže optimalan nivo osvjetljenja uz uštede u potrošnji električne energije i do 85% u odnosu na potrošnju energije klasičnim tehnologijama za rasvjetu.

„Ono što naša kompanija nudi jeste sistem ‘pametnog grada’. Radi se o modularnom sistemu koji uz ekološki prihvatljivu potrošnju energije za javnu rasvjetu, nudi i ekološki prihvatljive modele saobraćajne signalizacije i sl., bez ugrožavanja stepena sigurnosti. Također, ovaj sistem omogućava implementaciju svakog od modula pojedinačno, a time i sukcesivnu zamjenu trenutnih sistema novim, energijski učinkovitijim“ rekli su predstavnici austrijske kompanije. Premijer Suljkanović je izrazio svoje zadovoljstvo prezentiranim podacima, te iskazao zahvalnost predstavnicima Magnolux-a što su došli u Tuzlanski kanton i prezentirali način i mogućnosti realizacije projekata usklađenih sa evropskim standardima i normama, te koji su usklađeni sa evropskom regulativom. „Ovo je sigurno smjer u kojem ćemo se mi kao kanton, i kao država u narednom periodu morati kretati“, rekao je premijer Suljkanović, te ukazao da bi ovakve i slične prezentacije trebalo prezentirati i gradonačelnicima i načelnicima općina na nivou lokalnih samouprava, obzirom da je prezentirana tematika direktno vezana uz izvorne nadležnosti lokalnog nivoa vlasti. „Javna rasvjeta i komunalna infrastruktura za zbrinjavanje otpada su oblasti o kojima se direktno staraju lokalni nivoi vlasti, tako da Kanton ne može nametati bilo kakva rješenja u ovom smislu. Ipak, prezentirani projekti su dobri primjeri i ukazuju na moguće pravce budućeg djelovanja“, rekao je premijer Suljkanović, te se gostima zahvalio na dolasku u Tuzlanski kanton i Bosnu i Hercegovinu i želji da prezentiraju najnovije prakse koje se trenutno primjenjuju u zemljama Europske unije. Osim premijera Suljkanovića, sastanku je prisustvovao i ministar prostornog uređenja i zaštite okolice Admir Huskanović.

D.K.



Iz JP “Elektroprivreda BiH”...

## Blok 7 - gotovo sve spremno za realizaciju najveće investicije

Domaće firme biti angažirane za pripreme radove



Prvi strojevi koje će pripremati gradilište budućeg Bloka 7 Termoelektrane Tuzla na teren bi trebale izaći u narednih mjesec dana, a početak gradnje očekuje se na jesen, kazali su za Avaz.ba u “Elektroprivredi BiH” i Ministarstvu energije, rudarstva i industrije FBiH. Senad Salkić, izvršni direktor za kapitalne investicije “Elektroprivrede BiH”, pojasnio je da se do tada trebaju završiti samo neke proceduralne stvari. Između ostalog, Vijeće ministara BiH treba dati podršku. “Kineski partner u svom parlamentu trebaju dobiti odobrenje. Na ljetu očekujemo početak pripremnih radova, što je veliki posao koji će trajati duže od godinu, jer podrazumijeva premještanje dalekovoda, ravnjanje terena, odvodnih kanala. Međutim, paralelno s tim može početi gradnja Bloka 7”, kazao je Salkić. Nermin Džindić, federalni ministar energije, rudarstva i industrije, ističe da će domaće firme biti angažirane za pripreme radove, dok će i do 33 posto

glavnih radova izvoditi bh. kompanije. Ko će to biti, dodao je, u ovom trenutku se ne zna. Nedavno je Vlada FBiH zadužila ovo ministarstvo i “Elektroprivredu BiH” da ubrzaju sve aktivnosti u vezi s gradnjom Bloka 7, ali i Bloka 8 u Termoelektrani Kakanj i Bloka 1 u Termoelektrani Banovići. “Blok 7 završena je priča. Preostala dva su u proceduri. Za blok u Banovićima treba osigurati finansiranje 15 posto od ukupne investicije za modernizaciju, odnosno produženje stepena gotovosti rudnika da isporučuje uglj tom novom bloku i Tuzli – rekao je Džindić. Blok 7 mijenja postojeća tri bloka, koja moraju biti ugašena do 2023. godine. Rok za gradnju je 56 mjeseci. Cijela investicija vrijedna je 786,3 miliona eura. Pripremi radovi trebali bi koštati 16 miliona eura. Kada je riječ o Bloku 8 TE Kakanj, koji je također zamjenski kao i Blok 7, iz “Elektroprivrede BiH” napominju da je u toku natječajna procedura za izradu i izmjenu investicijsko-tehničke dokumentacije te da bi uskoro mogli znati ko će je raditi. “Za njenu izradu treba deset mjeseci. Nakon toga znat će se iznos investicije. Teško je prognozirati početak gradnje ovog bloka, ali logično bi bilo da krene prije nego što se sagradi Blok 7”, pojasnio je Senad Salkić, izvršni direktor za kapitalne investicije “Elektroprivrede BiH”.

## Elektroprivreda BiH raspisala tender težak 23 mil. KM

Radovi na izmještanju dalekovoda 220 kV u krugu TE Tuzla

Aktivno se odvijaju pripreme za početak izgradnje Bloka 7 TE Tuzla. Nakon što je nedavno Elektroprijenos BiH objavio tender za izvođenje radova na izmještanju dalekovoda 220 kV u krugu TE Tuzla radi izgradnje Bloka 7 TE Tuzla, Elektroprivreda BiH je jučer objavila poziv za Nabavku usluga Nadzornog organa – Inženjera nad realizacijom EPC Ugovora za izgradnju Bloka 7 – 450 MW u TE Tuzla. Vrijednost ugovora bez PDV-a je 23.000.000,00 KM. Trajanje ugovora je 68 mjeseci od početka pružanja usluga. Rok za prijem ponuda je 17.7.2019. godine. Kako bi ovaj dugo najavljeni projekat ugledao svjetlo dana Federalno ministarstvo energije, rudarstva i industrije utvrdilo je nacrt Energetske dozvole investitoru JP Elektroprivreda BiH d.d. Sarajevo, za izgradnju Bloka 7 – 450 MW u TE Tuzla instalisane nazivne snage 450 MW, planirane godišnje proizvodnje električne energije od 2.739,81 GWh i 390,9 GWh toplotne energije koja se planira graditi na postojećoj lokaciji termoelektrane “Tuzla” u Tuzli.

Komentari i primjedbe na nacrt Energetske dozvole mogu dostaviti Ministarstvu u pisanoj formi do 31.05.2019. godine. Kako je navedeno imalac Energetske dozvole je obavezan obezbjediti da se projektovanje, odabir i preuzimanje opreme i izgradnja objekta vrše u skladu sa važećim tehničkim propisima i standardima kako bi se osigurala bezbjednost, pouzdanost, funkcionalnost i ekonomičnost u radu, proizvodnog objekta i njegovih pripadajućih građevina, opreme i instalacija.

D.K.





Uspješno organizovani B2B susreti...

## Poslovni susreti privrednika TK i Vojvodine

Ostvareni novi kontakti, dogovorena saradnja – Upričen obilazak 86. Međunarodnog poljoprivrednog sajma u Novom Sadu – Obezbijeden nastup na Sajmu turizma u Novom Sadu u oktobru – Uskoro uzvratna posjeta privrednika Vojvodine



Privredna komora Vojvodine i Kantonalna privredna komora Tuzla, organizovali su poslovne susrete privrednika dvije regije. Zoran Trposki sekretar udruženja za industriju i Branislav Mamić sekretar Udruženja usluga u Privrednoj komori Vojvodine okupili su domaće privrednike kako bi dočekali goste iz Tuzlanskog kantona, razmijenili iskustva, predstavili svoje firme i usluge i napravili prve korake ka ostvarivanju saradnje. Delegaciju privrednika sa područja Tuzlanskog kantona koju su predvodili Almir Mešić sekretar Udruženja za građevinarstvo i IGM te Dino Kalesić sekretar Udruženja za trgovinu, ugostiteljstvo i turizam, činili su predstavnici firmi članica Kantonalne privredne komore Tuzla koji su u prethodnim kontaktima i razgovorima na sastancima u Komori, izrazili želju i zainteresovanost za poslovnim povezivanjem i saradnjom sa privrednicima iz Vojvodine. Domaćini su predstavili aktivnosti Privredne komore Vojvodine, način rada i komunikacije sa svojim članicama.



Domaćini su predstavili aktivnosti Privredne komore Vojvodine, način rada i komunikacije sa svojim članicama. Istaknuta je neophodnost povezivanja privrednika ove dvije regije, apostrofirane su brojne mogućnosti saradnje, zajedničkih nastupa na trećim tržištima, potreba jače i stalne komunikacije a putem privrednih komora. Predstavnici Kantonalne privredne komore Tuzla su izrazili zahvalnost domaćinima na izvanredno organizovanom sastanku, na prilici da i jedni i

drugi rade upravo ono što i jeste obaveza i zadatak privrednih komora, povezivanje privrednika svih krajeva, upravo kroz ovakve susrete, sajamske aktivnosti i posjete. Domaćini su za sve goste iz Tuzlanskog kantona obezbijedili i ulaznice za obilazak 86. Međunarodnog poljoprivrednog sajma u Novom Sadu, jedne od najznačajnijih sajamskih manifestacija ovog karaktera u Evropi. Izuzetno uspješan sastanak u Privrednoj komori Vojvodine koji je rezultirao i konkretnim dogovorima za saradnju, završio je druženjem, obilaskom Sajma i dogovorom da se u što kraćem periodu dogovori i realizuje uzvratna posjeta u Tuzli.



Delegaciju iz Tuzlanskog kantona uz predstavnike Kantonalne privredne komore Tuzla, činili su privrednici iz sljedećih firmi: „Solana“ dd Tuzla, „Nova Banka“ a.d. Banja Luka Filijala Tuzla, TA „Golden Tours“ Tuzla, „Lukavački sajam“ dd Lukavac, „Tehno grad Company“ doo Tuzla, „Tuzla-kvarc“ Tuzla, „Grin“ Gračanica, „Tehna“ Gračanica, „Renesansa“ Živinice, „Fana“ Srebrenik, „Aronija Okanović“ Tuzla.



### Rekli su:

- **Alen Džafić - „Fana“ Srebrenik:** „Izvanredna aktivnost naše Komore. Upravo su ovakvi susreti ono što očekujemo od naše Komore da, uz sajamske nastupe, obezbijedi za članice mogućnost novih kontakata, proširenja tržišta. Drago nam je da je došlo do ovih susreta, uspjeli smo dogovoriti saradnju i nadamo se novim kontaktima u drugim regijama“.
- **Edin Okanović - „Aronija Okanović“ Tuzla:** „Više smo nego zadovoljni rezultatima poslovnih susreta. Ostvarili smo dobar kontakt sa potencijalnim distributerom naših proizvoda i možemo reći da je ova komorska aktivnost uspjela, zahvaljujemo što smo dio ove privredne delegacije“.
- **Bakir Smailagić - „Solana“ dd Tuzla:** „Izražavamo naše zadovoljstvo organizovanjem poslovnih susreta sa privrednicima Vojvodine. Uvijek postoji prostor za saradnju kada ima dobre volje i kada se stvore uslovi za povezivanje privrednika, baš ovako kako su to učinile Kantonalna privredna komora Tuzla i Privredna komora Vojvodine. Aktivnost za svaku pohvalu“.
- **Igor Josipović - „Nova Banka“ a.d. Banja Luka Filijala Tuzla:** „Od velike je koristi razmijeniti mišljenja sa privrednicima iz drugih regija. Ovaj susret je bio prilika da i mi iz bankarskog sektora prenesemo jedni drugima iskustva i sagledamo šta je to što je moguće primjeniti u praksi na našem području. Hvala domaćinima na izvanredno organizovanom skupu“.
- **Adnan Imerović - „Grin“ Gračanica:** „Kao član UO Kantonalne privredne komore Tuzla mogu istaći svoje veliko zadovoljstvo organizovanim susretima. Posebno raduje činjenica da su na ovom sastanku dogovoreni i konkretni vidovi saradnje“.
- **Asim Bečić - TA „Golden Tours“ Tuzla:** „Uz sajamske aktivnosti, organizovanje privrednih susreta je nešto što je nama privrednicima neophodno. Mi koristimo svaku priliku, posebno u oblasti turizma, ostvariti što više kontakata, stvoriti što više prilika za promociju, a ovo je bila idealna prilika da sve imamo na jednom mjestu. Uspjeli smo dogovoriti nastup privrednika iz TK na Sajmu turizma koji se u Novom sadu održava u oktobru“.
- **Asim Begović - „Tehna“ Gračanica:** „Mi smo sada već stalni sudionici komorskih aktivnosti. Redovni smo učesnici sajamskih postavki koje oganizuje Kantonalna privredna komora Tuzla, posebno u Beogradu i Budvi a značajne kontakte ostvarili smo i na ovim privrednim susretima“.
- **Hariz Altumbabić - „Grin“ Gračanica:** „Bilo je veliko zadovoljstvo biti dio ove izuzetno uspješno priče, dobro organizovanih susreta koji su rezultirali dobrim kontaktima. Mislim da smo na dostojanstven način predstavili našu privredu i stvorili dobre pretpostavke za povezivanje sa partnerima iz cijele Vojvodine“.

Međukomorska saradnja...

## Delegacija komore Tuzla u PK Beograda



Kantonalna privredna komora Tuzla nastavlja sa aktivnosti kojima bi bila što kvalitetniji servis svojim članicama. Predstavnici Komore su posjetili značajan broj svojih članica, obavili razgovore o tome šta je potrebno uraditi u narednom periodu kako bi se firmama omogućio iskorak u poslovanju. Kako su većina predstavnika firmi članica Komore izjavili da je neophodna saradnja sa firmama u zemljama iz okruženja, poduzete su konkretne aktivnosti. Nakon kontakata i obavljenih poslovnih susreta u PK Vojvodine, uspostavljen je kontakt i sa Privrednom komorom Beograda. Početkom juna je realizovan sastanak u Privrednoj komori Beograda na kojem se razgovaralo o mogućnostima saradnje privrednih subjekata beogradske regije i Tuzlanskog kantona. Istaknuta je potreba zajedničkog poslovanja i kvalitetnijeg povezivanja u narednom periodu. Razgovarano je zajedničkim nastupima na brojnim sajamskim manifestacijama u Srbiji i Bosni i Hercegovini, pomoći pri realizaciji sajamskih nastupa, zajedničkih postavki, promocije firmi, proizvoda, usluga.

Kako bi se što kvalitetnije pristupilo realizaciji svega pomenutog, dogovoreno je da se početkom septembra organizuju poslovni susreti u Privrednoj komori Beograda gdje će domaći i privrednici sa područja Tuzlanskog kantona razgovarati o načinima povezivanja te zajedničkim nastupima na trećim tržištima. Delegaciju privrednika sa područja Tuzlanskog kantona činili su Almir Mešić sekretar Udruženja za građevinarstvo i IGM te Dino Kalesić sekretar Udruženja za trgovinu, ugostiteljstvo i turizam. Izuzetno profesionalnu i spremnu na saradnju ekipu PK Beograda sačinjavali su Velimir Radojević koordinator sektora za industriju, Ljiljana Brajović koordinator sektora za usluge, Miodrag Veseli koordinator sektora za poljoprivredu, koordinator u Centru za ekonomske odnose s inozemstvom Iva Mihailović, kao i pomoćnik direktora Vidosava Džagić. Za očekivati da će i ovi poslovni susreti doprinijeti kvalitetnom povezivanju privrednika dvije regije, dovesti do konkretnih poslovnih poduhvata te učvrstiti međukomorsku saradnju privrednih komora Beograda i Tuzle.

Pripremio: Dino Kalesić



## Međunarodni sajam energije, rudarstva, zaštite okoliša i prateće industrije... U Sarajevu održan deveti sajam „Energa“

Predstavljeno dvanaest firmi članica Kantonalne privredne komore Tuzla



„ENERGA 2019“, deveti po redu međunarodni sajam energije, rudarstva, zaštite okoliša i prateće industrije, održan je u Sarajevu. Presijecanjem vrpce svečano su ovu sajamsku manifestaciju otvorili Mirko Šarović ministar vanjske trgovine i ekonomskih odnosa Bosne i Hercegovine, Valentin Inzko visoki predstavnik u BiH, Marinko Čavara predsjednik FBIH, Haris Bašić ministar privrede u Vladi Kantona Sarajevo, Mirsad Đonlagić predsjednik Inicijativnog odbora sajma i Mirsad Jašarspahić potpredsjednik Privredne/gospodarske komore FBIH.

Na otvaranju sajma u Centru Skenderija ministar vanjske trgovine i ekonomskih odnosa Bosne i Hercegovine, Mirko Šarović, istakao je zadovoljstvo što je drugu godinu za redom dio manifestacije koja evidentno raste iz godine u godinu.

„U odnosu na prošlu godinu desilo se nekoliko dobrih stvari, od kojih ističem usvojenu Okvirnu energetska strategiju, zatim Odluku o ukidanju carina za električna i hibridna vozila koja se nalazi pred Bijećem ministara. Njenim usvajanjem bi u narednom periodu sigurno imali mnogo više takvih vozila nego je to slučaj danas. Ono što moramo mijenjati je i svijest koja je kod nas prisutna, a to je da su energetika i energijski potencijali plijen. Oni to nisu, oni su šansa i što to prije shvatimo shvatimo svima će nam biti bolje. Iskoristimo šanse, koračajmo brže“ istakao je Mirko Šarović.

Valentin Inzko, visoki predstavnik u Bosni i Hercegovini na početku svog izlaganja je napomenuo da mu je čast biti dio manifestacije čiji je moto misliti na budućnost.

„Mislim da je poruka koju treba odavdje poslati upravo ta da je budućnost ove zemlje svijetla, posebno u energetske sektoru. Eksperti iz ove oblasti smatraju da se hidroenergetski potencijali Bosne i Hercegovine koriste samo 35 posto. Nema razloga da privreda Bosne i Hercegovine ne napravi iskorak upravo koristeći prirodne resurse. Jačanje energetske proizvodnje znači i jačanje privrede. Osim neiskorištenih resursa ova zemlja ima i neiskorišteno tržište za te resurse, a sve se to može prevazići njenom puno integracijom u regionalno i šire energetska tržište. Završit ću pitanjem: Šta čekamo?“ istakao je Valentin Inzko.

Nakon otvaranja u okviru konferencijskog dijela programa Međunarodna agencija za obnovljivu energiju (IRENA) je organizirala sesiju „Analiza tržišta obnovljive energije: Jugoistočna Evropa“, na kojoj su govorili Marcin Scigan regionalni program oficir za ove organizacije za jugoistočnu Evropu, koji je prezentirao Regionalnu inicijativu IRENA-e.

Potom, Emanuele Bianco program oficir IRENA-e koji je predstavio analizu tržišta obnovljive energije jugoistočne Evrope. U okviru ove sesije rezultate 5. energetskog samita održanog u aprilu ove godine u Neumu, prezentirala Elma Haverić USAID EIA.



Konferencijski program, koji prati aktuelne teme iz oblasti energetskog sektora, učesnicima je u tri dana ponudio sesije i panel diskusije o investicijama i integraciji obnovljivih izvora energije u BiH, aktuelnoj izgradnji Bloka 7 Termoelektrana Tuzla, maloprodajnom tržištu električne energije u BiH, biogasnim elektranama i drugim zanimljivim temama koja već u najavi privlače veliku pažnju stručne javnosti. ENERGA 2019 se realizuje pod pokroviteljstvom Ministarstva vanjske trgovine i ekonomskih odnosa Bosne i Hercegovine i Ministarstva energije, industrije i rudarstva Federacije Bosne i Hercegovine i Vlade Kantona Sarajevo. Partneri projekta su Vanjskotrgovinska/spoljnotrgovinska komora Bosne i Hercegovine i Privredna/gospodarska komora Federacije Bosne i Hercegovine. Sponzori projekta su Ured specijalnog predstavnika u BiH, USAID EIA, UNDP, GIZ, FL Wind i BH telecom.

### • Privreda TK na sajmu Energa

I ove godine je Kantonalna privredna komora Tuzla organizovala zajednički nastup za firme, svoje članice. Ove godine su se na sajmu Energa predstavili: „Yavuz“ Srebrenik, „Asa osiguranje“, „Adriatic osiguranje“, „Ramex“ Kladanj, „Sicon SaS“ – Tuzla, „TQM“ – Lukavac, „Imel“ Lukavac, „Eko život“ Tuzla, „Wortman metal“ Tinja, „Alpha SmarthEnergy“ Tuzla, „Energia Alliance“ Živinice, „Klaus Lehmann“ Gračanica.

D.K.



## Sajam turizma i ekologije u Lukavcu... Održan sajam „LIST 2019“

Izlagачi iz 11 zemalja, oboren rekord



Na hiljade posjetitelja, više od 160 izlagачa iz zemalja bivše Jugoslavije, ali i Njemačke, Italije, Turske, Albanije i Češke najbolje opisuju ovogodišnji sajam turizma i ekologije „LIST 2019“. Sajamska manifestacija koja se održava po 17. put, oborila je ovaj put rekord po broju izlagачa, ali i premašila očekivanja organizatora. **„Mogu da kažem smo prezadovoljni i odzivom, ali i sadržajem i programom koji smo planirali, sve s ciljem da se privredi iz ove oblasti daju mogućnosti za što je moguće bolje rezultate i da doprinesemo činjenici da je turizam najbrže rastuća industrijska grana i u Evropi i kod nas“**, kaže Aziz Čačković, predsjednik Organizacionog odbora sajma „LIST“. Direktor „Lukavačkog sajma“ Izet Nuhanović je izrazio zadovoljstvo velikim brojem izlagачa i posjetitelja: **„Lukavački sajam 17. godinu zaredom uživa punu podršku i Općine Lukavac, organizatora, Vlade TK i svih drugih nivoa vlasti u BiH. Lukavac je opet bio pun gostiju, i pored nepovoljnih vremenskih prilika, mi smo zadovoljni, dvorane su bile pune, sajmište je bilo puno. Turistički smještajni kapaciteti u Lukavcu su popunjeni do zadnjeg mjesta. Sasvim sigurno smo organizaciju za ovaj sajam odradili na najbolji mogući način“** kazao je Nuhanović. U organizaciju ovogodišnjeg sajma uključeni su lokalna i kantonalna vlast, kao i resorno kantonalno ministarstvo, Kantonalna privredna komora Tuzla i Turistička zajednica Tuzlanskog kantona. Ujedinjenim snagama predstavljaju najbolje što ovaj kanton ima, kako bi taj potencijal mogli vidjeti posjetitelji koji dolaze iz Lukavaca, Tuzlanskog kantona ali i regije.



**„Tuzlanski kanton obiluje značajnim turističkim potencijalima i naravno da tu postoji još puno prostora za napredak, za razvoj i dodatno upošljavanje u ovom sektoru. Vlada TK i ove godine na neki način pokrovitelj i promotor i ovog 17. Međunarodnog sajma u Lukavcu. Cilj nam je da**

**uz ovu podršku i dodatno jačanje turističkih potencijala, omogućimo snažniji razvoj Tuzlanskog kantona“**, navodi Jakub Suljkanović, premijer TK. Načelnik Općine Lukavac Edin Delić ističe da je sajam izuzetno bitan za ovu lokalnu zajednicu. **„Ljudi su imali viziju prije 17 godina, sama ta činjenica da je sajam preživio 17 godina daje jasan signal da ljudi ovdje znaju kako diše Lukavac, šta može ponuditi, da ovo ima smisla. Lukavac je općina sa velikom površinom, najveća na području TK sa vrlo različitim diverzitetima turističke ponude koju možemo dati“**, riječi su Delića.

Na lukavačkom sajmu predstavile su se velike kompanije, mala preduzeća, ugostiteljski objekti, kao i turističke agencije i organizacije, poput Turističke zajednice Tuzlanskog kantona, Hercegovine, Crne Gore, zatim udruženja i nevladine organizacije. Organizatori su pored sajamskog dijela, posjetiteljima ponudili i propratni sadržaj, pa je održan Festival zdrave hrane i autohtonih jela Sjeveroistočne Bosne „Bosanska sofru“. Na centralnoj pozornici ispred sajmišta, održan je koncert Halida Bešlića a u okviru sajma organizovane su i prezentacije narodnih običaja, nošnji i igara. Po prvi put, na sajmu „List“ dodijeljena je „Zvijezda turizma BiH“ za najveći doprinos razvoju turizma u BiH za 2018. godinu, a žiri je odlučio da ovo priznanje dobije JKP „Panonika“ doo Tuzla. I ove godine je su učesnici sajma, bajkeri, planinari i ribari pripremati kotlić a manifestacija je završena sajamskom biciklijadom. Kantonalna privredna komora Tuzla je i ove godine od organizatora dobila prostor na kojem je, za više od 30 firmi članica Komore, organizovala zajedničku postavku pod nazivom „Privreda TK“.



D.K.





Održan stručni skup...

## “Kontinentalni turizam-razvojne šanse BiH”

Panel u okviru 17. Međunarodnog sajma “List” u Lukavcu



Održan stručni skup “Kontinentalni turizam-razvojne šanse BiH” u okviru 17. Međunarodnog sajma “List” u Lukavcu u okviru 17. Međunarodnog sajma turizma i ekologije “List” u Lukavcu (BiH), održan je i stručni skup na temu “Kontinentalni turizam – razvojne šanse BiH”. Uvodno predavanje održao je dr Marko Šantić, predsjednik Gospodarske/Privredne komore Federacije BiH. U izuzetnom predavanju istaknuo je sve aspekte determiniranosti turističke ponude i tražnje u BiH, kao i makro poziciju BiH, sa turističkom ponudom zemalja u okruženju, apostrofirajući pri tom važnost i značaj razvijene i adekvatne prometne infrastrukture za rast turističke tražnje. U drugom dijelu stručnog skupa, organiziran je panel, u kojem su predstavljeni sajmovi iz BiH, Hrvatske i Srbije, kao i njihova refleksija na turističku tražnju. Viroexpo – međunarodni sajam gospodarstva, obrtništva i poljoprivrede u Virovitici te njegov značaj za razvoj poduzetništva i turističke tražnje predstavio je Milan Vandura, samostalni savjetnik u HGK – Županijskoj komori Virovitica i član Organizacijskog odbora sajma. O ulozi Ekonomskog fakulteta u razvoju turizma te ulozi ljudskih potencijala u razvoju turizma u Bosni i Hercegovini, govorila je mr sc. Selma Smajlović sa Ekonomskog fakulteta Univeziteta u Tuzli. Maid Porobić direktor JKP „Panonika“ doo Tuzla izlagao je na temu „Spoj kulturnog i rekreativnog turizma“. Milan Vandura samostalni savjetnik HGK ŽK Virovitica koja je suorganizator sajma „ViroExpo“, Dejana Cahun koordinator projekta Sajam Građevine „SEEBBE“ Beograd i Dejan Tošić - direktor PKS RPK Zaječar i organizator sajma „Zdravo-Domaće-Prirodno“ prenijeli su iskustava o značaj direktnih kontakata, razgovora, posjeta, i svega onoga što se organizuje u okviru sajmova koje organizuju, koliko je doprinos sajamskih aktivnosti razvoju turizma u njihovim sredinama, koliko su sajmovi prilika da se jednom velikom broju posjetilaca preporučuje turističke destinacije iz okruženja.



Razgovarano je i mogućnosti primjene tih iskustava u Bosni i Hercegovini.

Treba istaći da je sajam „ViroExpo“ Virovitica drugi po veličini i značaju sajam u Hrvatskoj da okuplja veliki broj izlagača, iz sve većeg broja zemalja svijeta, ne samo Evrope i da je na ovom Sajmu, sve do ove godine Kantonalna privredna komora Tuzla izlagala i predstavljala svoje članice deset godina u nizu. Sajam građevine „SEEBBE“ u Beogradu je jedan od najznačajnijih sajmova u Beogradskom sajmu a godišnje ih se održi oko 35. Ove godine doživio je svoje 45. izdanje i predstavlja najznačajniju sajamsku manifestaciju iz oblasti građevinarstva u Evropi. Komora dvije godine za redom obezbjeđuje prostor za nastup i predstavljanje svojih članica na ovom sajmu. Sajam „Zdravo-Domaće-Prirodno“ u Zaječaru je sajam u razvoju. Potekao je kao ideja iz Privredne komore Zaječar i tadašnjeg predsjednika a sadašnjeg direktora Dejana Tošića. Od ukupno sedam održanih sajmova u Zaječaru, Komora je izlagala na šest.

Uoči početka stručnog skupa Milanu Vanduri, u ime organizatora sajma, predstavnici Organizacijskog odbora sajma Aziz Čačković, predsjednik i Dino Kalesić član, uručili su Zahvalnicu za dugogodišnje promicanje međuregionalne suradnje, međukomorskih odnosa, stjecanje i jačanje prijateljstva, snažnu podršku razvoju sajamskih aktivnosti u široj regiji i za snažnu potporu i napore u očuvanju najvrednijih ljudskih vrijednosti i tradicija.

Pripremio: Dino Kalesić



U Gradačcu spoj tradicije, gostoprimstva i najnovijih dostignuća...

## Gradačac: Sajam šljive od 28. do 31. avgusta

U četiri dana sajma, od 28. do 31. avgusta biće organizirane prezentacije najnovijih proizvoda i usluga iz sektora proizvodnje i prerade hrane i pića, poljoprivredne mehanizacije i zaštitnih sredstava - Ove godine partneri Sajma šljive su Vlada Republike Hrvatske – Ministarstvo poljoprivrede i Grad



Tradicionalni, već 46. međunarodni sajam poljoprivrede i prehrambene industrije Sajam šljive održat će se u Gradačcu od 28. do 31. avgusta. Na najstarijem specijaliziranom sajmu u Bosni i Hercegovini očekuje se da svoje proizvode predstave brojni izlagači iz BiH i inozemstva. U četiri dana sajma biće organizirane prezentacije najnovijih proizvoda i usluga iz sektora proizvodnje i prerade hrane i pića, poljoprivredne mehanizacije i zaštitnih sredstava. Također, održat će se i niz okruglih stolova, kolektivnih izložbi i prezentacija programa iz područja poljoprivrede i biznisa. Kao i do sada, organizatori, Gradačaćki sajam, će se potruditi biti dobar domaćin kako bi dugogodišnjim prijateljima, ali i novim poslovnim partnerima pružili priliku da se što bolje predstave javnosti. Posjetitelji će moći uživati u bogatoj ponudi izloženih proizvoda na oko 5.000 kvadratnih metara otvorenog i zatvorenog sajamskog prostora. Na Sajmu će se održati savjetovanje o najnovijim znanstvenim dostignućima i primjeni novih tehnologija u sektoru proizvodnje i prerade hrane. Poljoprivrednici će imati priliku saznati neke od najvažnijih informacija i preporuka za uspješno bavljenjem agrarom.

Kako je Gradačac šljivarski kraj, Sajam će biti prilika za razgovor o tome kako domaći poljoprivredni proizvodi mogu biti konkurentni na inozemnom tržištu. Jedan od pozitivnih primjera je svakako izvoz šljive u zemlje EU i rusko tržište i brend “BH šljiva”.

Osim izložbe sajamskih eksponata nekih od najznačajnijih proizvođača i prerađivača poljoprivrednih proizvoda, predstaviti će se brojne organizacije i institucije koje podržavaju i promoviraju ovu gospodarsku granu. Na Sajmu u Gradačcu nastupit će proizvođači sjemenskog i sadnog materijala, proizvođači i

prerađivači voća i povrća, mesa i mesnih prerađevina, alata i mehanizacije, domaćih životinja i brojni drugi. I ove godine će biti dodijeljena prestižna priznanja i medalje za kvalitetu Sajma šljive. Na Poljoprivrednom gospodarstvu “Krušik“ u Skugriću Donjem ocjenjivat će se rakije, a najboljima biti uručene velike medalje. Ova tradicionalna privredna manifestacija je postala redovan sadržaj sajamskog kalendara brojnih izlagača u Bosni i Hercegovini i regiji. Na jubilarom 45. Sajmu šljive sudjelovalo je 320 izlagača, a sajmište je posjetilo oko 25.000 posjetitelja. Međunarodni sajam poljoprivrede i prehrambene industrije u Gradačcu je vodeći poljoprivredni sajam u Bosni i Hercegovini i njegov značaj iz godine u godinu potvrđuje dolazak brojnih delegacija iz zemlje i regije. 45. Sajam šljive u Gradačcu je otvorio visoki predstavnik u BiH Valentin Inzko, a pored njega svečanu vrpcu su presjekli državni tajnik u Ministarstvu poljoprivrede Republike Hrvatske Tugomir Majdak i premijer Tuzlanskog kantona Jakub Suljkanović. Prošle godine, u povodu 50. godina od osnivanja ove manifestacije, partner Sajma je bio Grad Zagreb. Ove godine partneri Sajma šljive su Vlada Republike Hrvatske – Ministarstvo poljoprivrede i Grad Zagreb. Očekuje nas i 2. sajam pčelarstva koji je produkt prethodna dva Kongresa o pčelarstvu i pčelinjim proizvodima s međunarodim sudjelovanjem na kojem su predstavljeni brojni znanstveni radovi. I ove godine će biti dodijeljene medalje za kvalitetu ocijenjenih medova i održano stručno savjetovanje za pčelare. Sajamske dane će pratiti bogat kulturno zabavni program, a za goste, izlagače i posjetitelje će biti organizirana i tradicionalna “Plava noć”. Prijave za 46. Međunarodni sajam poljoprivrede i prehrambene industrije Sajam šljive su u tijeku, a više informacija potražite na [www.gradackisajam.com.ba](http://www.gradackisajam.com.ba). Za očekivati je da će i ove godine Kantonalna privredna komora Tuzla uspjeti realizovati nastup na ovom Sajmu firmi članica Komore, u okviru tradicionalne sajamске postavke pod nazivom “Privreda TK”.



D.K.



Najava sajмова u regionu...

## Zrenjanin: Sajam “ZRbizinet” od 19. do 21. septembra



ZRbizinet je nova jedinstvena privredna manifestacija u Srbiji koja će privrednicima tokom tri dana trajanja obezbediti: B2B sastanke, edukativne tribine, predavanja na aktuelne privredne teme i kontakt sa institucijama koje pružaju podršku poslovanju. Pozivamo vas da učestvujete na privrednoj manifestaciji “zrbiznet”, koja će se održati u Zrenjaninu, od 19. do 21. septembra 2019. godine.

Privredna manifestacija zrbiznet osmišljena je da okupi preduzetnike i privrednike sa teritorije Srbije ali i drugih zemalja iz regiona, da pospješi komunikaciju između privrednih subjekata, odnosno da stvori nove poslovne kontakte. Na ovom privrednom skupu, kompanije će imati mogućnost da se predstave, upoznaju i povežu sa drugim kompanijama, da se upoznaju sa institucijama podrške i da se edukuju iz raznih oblasti. Ovaj način umrežavanja preduzetnika obezbeđuje dogovaranje konkretnih poslovnih aranžmana na brz i lak način, pored toga, odlična je prilika za građenje partnerskih odnosa sa institucijama podrške poslovanju. U okviru manifestacije, planirana je organizacija prezentacija najvećih kompanija, predstavljanje raznih fondova, banaka, institucija, kao i mogućnosti za pokretanje i registraciju novih privrednih subjekata. Sajam “ZRbizinet” će biti održan od 19. do 21. septembra u Zrenjaninu, Karadorđev Trg bb, Hala „Medison“. Učesnici skupa su stručnjaci različitih profila iz privatnog sektora, strukovna udruženja, obrazovne institucije, državne i nevladine organizacije. Pozivamo sve firme članice Kantonalne privredne komore Tuzla, ukoliko imaju interesa da nastupe na ovoj sajamskoj manifestaciji, da nam se što prije prijave i rezervišu svoj prostor na sajmu. Zahvaljujući dobroj regionalnoj međukomorskoj saradnji, Komora Tuzla je obezbijedila za svoje članice besplatan odgovarajući izložbeni prostor. Za prijave i sve dodatne informacije kontakt osoba: Dino Kalesić, 061/164-311, dino@kpktz.ba.

## Budva: 41. Sajam građevinarstva, 25 - 29. septembar 2019.



Međunarodna poslovna manifestacija je najznačajniji privredni događaj u grani građevinarstva na širem tržištu. Poslovni efekti koje pruža sajam, prepoznati su kao mogućnost izlagačima iz regiona i šire za ulazak na tržište Crne Gore i uspostavljanje privredne saradnje i direktan pristup ključnim kupcima.

Sajamska platforma je prilika da izlagači predstave svoje proizvode i steknu uvid u ono što je aktuelno i inovativno u ovoj industriji i kroz integrisani pristup ponude cjelovita rješenja enterijera i eksterijera za objekte različitih namjena iz svih oblasti građevinske djelatnosti: visokogradnje, niskogradnje, izgradnje i održavanje objekata, okova i bravarije, sanitarne galanterije, inženjeringa i projektovanja. Međunarodni karakter Sajma potvrđuje kako prisustvo vodećih brendova, tako i organizovani nastupi Regionalnih i Državnih Privrednih Komora, asocijacija i agencija, gdje i na taj način učesnicima nudimo mogućnosti za snažnije povezivanje sa domaćim i ino - partnerima u poslovnom ambijentu.

U programskom dijelu na Sajmu građevinarstva, okuplja se stručna javnost, afirmiše održivi razvoj, podržavaju se kvalitetni projekti i aktivnosti od značaja za širu zajednicu. Imajući u vidu značajne infrastrukturne projekte, modernizaciju i uvećanje industrijskih kapaciteta širom regiona, u istom terminu ponudu će prikazati i izlagači specijalizovanih „Sajmova energetike“ i „Vode, vodovodi i sanitarne tehnologije“. Jadranski sajam u Vašem interesu obezbeđuje dodatnu podršku, u vidu značajnih popusta za blagovremeno prijavljivanje. Pozivamo firme članice Kantonalne privredne komore Tuzla da ih iskoriste i ostvare uspješne poslovne rezultate na 41. Sajmu građevinarstva. Pozivamo vas da prijavite vaše učešće na ovoj značajnoj sajamskoj manifestaciji. Kontakt Almir Mešić sekretar Udruženja za građevinarstvo i IGM projekt menadžer - Tel: 061/637-060, mail: almir@kpktz.ba.

D.K.



Sajamska manifestacija u Bihaću...

## Bihać: “Ekobis 2019” od 12. do 15. septembra



Privredna komora USK organizira 17. Međunarodni sajam ekologije – EKOBIS 2019, koji će se održati u Bihaću od 12. do 15.09.2019. godine. Više od desetljeća MEĐUNARODNI SAJAM EKOLOGIJE- EKOBIS je najpoznatiji i najposjećeniji privredna i ekološka manifestacija u široj regiji. Ovaj status EKOBIS održava kreiranjem pozitivnog poslovnog ambijenta, kroz visoke usluge poslovnog umrežavanja izlagača i posjetitelja, ali i organizacijom svih drugih sadržaja i poslovnih događanja prilagođenih potrebama i željama izlagača. U proteklih 16 godina na ovom sajmu se predstavilo više od 3000 izlagača iz 18 zemalja, a sajam je posjetilo preko 200 000 posjetitelja. Ovim brojkama svakako treba dodati i preko 500 uspješno realiziranih pratećih sadržaja. Osim toga, sva sajamska događanja prate najznačajnije medijske kuće u regiji. Sve ovo su dobri argumenti da Vas pozovemo da na vrijeme rezervirate Vaš izložbeni prostor, ali i da prijavite aktivnosti vezane za prateće sadržaje (promocije, prezentacije, degustacije, okrugle stolove i ostale sadržaje). Organizator Međunarodnog sajma ekologije – EKOBIS je

Privredna komora Unsko-sanskog kantona. Ona je nevladina, neprofitna asocijacija privrede Unsko-sanskog kantona, čiji se korijeni vežu za početak druge polovine dvadesetog stoljeća. Kao vodeće privredna asocijacija na Unsko-sanskom kantonu, PK USK zastupa interese poslovne zajednice u odnosima sa zakonodavnom i izvršnom vlasti, promovira i povezuje privredu Unsko-sanskog kantona s domaćim i međunarodnim poslovnim okruženjem, potiče poduzetništvo, strana ulaganja, uvođenje standarda kvaliteta i zaštite okoliša, educira i informira članstvo o aktuelnim privrednim kretanjima te podiže sveukupni nivo spremnosti privrede USK za pristup Evropskoj Uniji. Način i principi rada u PK USK u potpunosti odgovaraju principima koje se provode od strane privrednih komora u drugim državama regiona i Evropske Unije. Privredna komora USK razvila je suradnju s mnogim komorama i drugim poslovnim institucijama u širem okruženju i do danas je potpisala preko 30 ugovora o suradnji s BiH i Evropskim privrednim komorama. Pratite sve aktivnosti vezane za organizaciju sajma na stranici Privredne komore USK [www.pkusk.com](http://www.pkusk.com).

Prva regionalna konferencija “Tech Cruise”...

## Izvrсна prilika za B2B i networking među kompanijama

Upoznavanje sa dobrim praksama vodećih BH kompanija



Na atraktivnoj lokaciji i prirodnom ambijentu jezera Modrac, od 19. do 21. septembra održat će se prva regionalna konferencija „Tech Cruise“ koja će biti mjesto susreta privrednika iz zemlje i regije, javne uprave i vrhunskih stručnjaka iz područja informatike i digitalnog marketinga. Kako navode organizatori, više od 50 predavača će posjetiteljima ponuditi zanimljiv program sa temama koje će biti interesantne predstavnicima javnog i realnog sektoru. Među učesnicima će se naći neka od najznačajnijih regionalnih i svjetskih imena Andrei Stincaseanu (Qnap), Mirad Maglić (Microsoft), Miroslav Varga (Escape), Nenad Trajkovski (NT Consulting), Halim Curi (Lexmark), Omar Krivošija (Microsoft), Jovan Glamočanin (Lenovo), Sabina Baraković (Ministarstvo sigurnosti BiH), Hrvoje Bogdan (Adižes Institut), Dragan Davidović (Kaspersky LAB), Ivan Trebaljevac (Huawei) i drugi. Tech Cruise predstavlja jedinstvenu priliku za B2B i networking među kompanijama, kao i upoznavanje sa dobrim praksama nekih od vodećih BH kompanija iz oblasti proizvodnje, trgovine, finansija, turizma i uslužnih djelatnosti koje se susreću sa mijenjanjem i transformacijom različitih procesa svih sektora u okviru ekonomije, dajući potpuno drugi pravac i dimenziju u odnosu na tradicionalno poslovanje. Konferencija predstavlja platformu za promovisanje mogućnosti koje donosi digitalna transformacija, uštede i prednosti koje sa sobom donosi korištenje savremenih tehnologija, te upoznavanje sa četvrtom industrijskom revolucijom i šta nam ista donosi. Javna uprava se također mijenja, pa će neke od tema biti i rješenja kao što su „moderna e-uprava“, kao i „smart city“ koji donosi velike uštede i olakšan pristup kako za institucije tako i građane. Svjetski stručnjaci koji se bave Cyber sigurnošću održat će predavanja o rizicima u modernom poslovanju i cyber sigurnosti kao faktoru na koji se ne daje dovoljna pažnja, a posljedice toga su sve učestaliji napadi i ucjene. Najveći regionalni eksperti iz digitalnog marketinga govorit će o uslugama i mogućnostima kojie nude digitalni mediji, pretraživači i društvene mreže kao što su Google, Instagram, Facebook. Organizator, domaća kompanija IMEL sa 25 godina iskustva, očekuje više od 500 gostiju, dok će učešće na konferenciji uzeti blizu 50 domaćih kompanija i predavača, kao i predstavnika najvećih tehnoloških proizvođača. Više o konferenciji možete saznati na web stranici [www.techcruise.ba](http://www.techcruise.ba)

D.K.



Grad Tuzla – Javni poziv...

## “Siguran start” - do kraja 2019. godine

Objavljen Javni poziv za učešće u programu raspodjele sredstava iz Budžeta Grada Tuzla namjenjenih za podršku privrednim subjektima na području grada Tuzla – Projekat: “Siguran start”



Grad Tuzla

Na osnovu tačke VI Pravilnika o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području grada Tuzla („Službeni glasnik Grada Tuzla“, broj: 2/19), Služba za ekonomski razvoj i društvene djelatnosti Grada Tuzla, dana 28.5.2019.godine, objavljuje:

JAVNI POZIV za učešće u Programu raspodjele sredstava iz Budžeta Grada Tuzla namjenjenih za podršku privrednim subjektima na području grada Tuzla za 2019. godinu, sa pozicije: Grant za podršku privatnim preduzećima i poduzetnicima – Projekat: “Siguran start”

### I Predmet Javnog poziva

Javnim pozivom prikupljaju se aplikacije (prijava) novoregistrovanih samostalnih djelatnosti registrovanih kao osnovno zanimanje i privrednih društava, koji su na području grada Tuzla u 2019. godini pokrenuli svoju djelatnost.

### II Iznos novčane podrške

Ukupan iznos sredstava predviđen za ovaj Program iznosi 100.000,00 KM (stohiljadakonvertibilnihmaraka), a usmjeren je na: refundiranje troškova registracijefirme(ne odnosi se na osnivački kapital, već na troškove notarske obrade dokumenata, sudske i administrativne takse, te izradu pečata firme);-sufinansiranje troškova obaveznih doprinosa za PIO i zdravstveno osiguranjeosiguranje od nezaposlenosti za registrovanu djelatnost i to za tekuću godinu, s tim da je maksimalni iznos sufinansiranja3.000,00 KM (tri hiljade KM);-sufinansiranje nabavke sredstava za rad i opreme (neupotrebljavane)za registrovanu djelatnost, u iznosu do 49% od vrijednosti nabavke, s tim da je maksimalni iznos sufinansiranja3.000,00 KM (tri hiljade KM);-sufinansiranje troškova zakupa poslovnog prostora u kojem se obavlja registrovana djelatnost, u iznosu do 50% od iznosa zakupnine, s tim da je maksimalni iznos sufinansiranja 3.000,00 KM (tri hiljade KM);-sufinansiranje troškova poslovnih usluga: informatičke, pravne, marketing i prodaja, knjigovodstvene i finansijske usluge(troškovi za izradu računovodstvenih i dr. informatičkih programa potrebnih za poslovanje, troškovi za izradu neophodnih pravnih akata, uobičajni troškovi reklamiranja, troškovi vođenja knjigovodstva i finansija) –maksimalni iznos sufinansiranja je 3.000,00 KM.

Aplikant može aplicirati na samo jedan od prethodno navedenih oblika podrške.

### III Pravo učešća

Pravo učešćamogu ostvariti samostalne djelatnosti u osnovnom zanimanju i privredna društva, koji su u 2019. godiniregistrovaliposlovnu djelatnostna području grada Tuzla. Aplikanti će biti isključeni iz učešća u pozivu ili iz dodjeljivanja sredstavanovčane podrške, ako su u trenutku raspisivanja javnog poziva:(a)krivi za davanje lažnih informacija u prijavnim obrascu, koje supreduslov za učestvovanje u pozivu za novčanu podršku ili ako nisu dostavili potrebne informacije;(b)ukoliko su u prethodne tri godine imali registrovanu djelatnost ili privredno društvo na području grada Tuzla. Za dodjelu novčane podrške ne mogu aplicirati subjekti koji imaju status javne ustanove ili javnogpreduzeća.

Kompletan tekst Javnog poziva, sa pripadajućim prijavnim obrascem, možete preuzeti na web stranici <http://grad.tuzla.ba/>...



Prilika za posao...

## Tehnograd Company: oglas za prijem radnika

TEHNOGRAD-company prima u radni odnos 50 građevinskih radnika više zanimanja



TEHNOGRAD-company d.o.o Tuzla raspisuje oglas za prijem radnika u radni odnos na sljedeće radne pozicije:  
-tesar (30 izvršilaca)  
-armirač (10 izvršilaca)  
-zidar (10 izvršilaca)  
• Uslovi:  
Radno iskustvo na poslovima zidara, tesara i armirača  
Mjesto rada: Bosna i Hercegovina  
Prijave na oglas moguće je izvršiti na broj telefona 035 251-211 ili na email adresu: pravna\_s@tehnograd-company.ba svakim radnim danom od 7 i 30 do 15 i 30 časova  
Oglas ostaje otvoren do popune radnih pozicija...

## Objavljen Javni natječaj za odabir korisnika kreditnih sredstava u 2019. godini



Ministarstvo privrede Tuzlanskog kantona obavještava sva mala i srednja preduzeća i obrte da je Federalno ministarstvo razvoja, poduzetništva i obrta objavilo Javni natječaj za odabir korisnika kreditnih sredstava po Programu „Kreditni poticaj razvoja, poduzetništva i obrta“ za 2019. godinu. Predmet Javnog natječaja je prikupljanje prijave za odabir korisnika kreditnih sredstava radi realizacije Programa „Kreditni poticaj razvoja, poduzetništva i obrta“ za 2019. godinu. Kreditna sredstva će se plasirati putem Razvojne

Banke Federacije Bosne i Hercegovine, s rokom povrata sredstava na račun Banke do sedam godina, grace periodom do dvije godine, uključenim u rok povrata sredstava i kamatnom stopom od 1%. Korisnici kredita su subjekti malog gospodarstva definirani po Zakonu o poticanju razvoja malog gospodarstva Federacije BiH („Službene novine Federacije BiH“ br. 19/06 i 25/09) i Zakonu o obrtu i srodnim djelatnostima („Službene novine Federacije BiH“ br. 35/09 i 42/11) čije je sjedište na području Federacije BiH, nalaze se u većinskom vlasništvu državljana BiH te imaju najmanje dva (2) zaposlena na neodređeno vrijeme.

Više informacija o pozivu i svu potrebnu dokumentaciju možete preuzeti na web stranici Federalnog ministarstva razvoja, poduzetništva i obrta i na web stranici Kantonalne privredne komore Tuzla: [www.kpktz.ba](http://www.kpktz.ba).

## Rudnik Soli Tuzla: Oglas za prijem četiri radnika



Dioničko društvo Rudnik soli Tuzla raspisuje oglas za prijem radnika u radni odnos na sljedeće radne pozicije:


1. Zavarivač – 1 izvršilac
  2. Radnik za tehnološko servisiranje i održavanje bušotina – 1 izvršilac
  3. Radnik na održavanju – 1 izvršilac
  4. Tehničar za investicije i nadzor – 1 izvršilac
- Opće i posebne uslove, način apliciranja i druge informacije pogledajte na [www.kpktz.ba](http://www.kpktz.ba)...

D.K.



## Privredna kretanja u Tuzlanskom kantonu u prvom kvartalu 2019. godine

U prvom kvartalu 2019. godine, došlo do rasta ukupnog obima industrijske proizvodnje u odnosu na isti period prethodne godine od 2,6%. Prema područjima, prerađivačka industrija ostvaruje rast od 2,3%, proizvodnja i snabdijevanje električnom energijom 5,5%, dok vađenje ruda i kamena ima pad obima proizvodnje od 0,4%.



Industrijska proizvodnja I-III 2019/ I-III 2018 (%)

Iz Tuzlanskog kantona ukupno je izvezeno proizvoda u vrijednosti od 438.104.000 KM što je u odnosu na izvoz istog perioda 2018.godine rast od 8,1%. U isto vrijeme je došlo do rasta uvoza od 10,9,4% te je uvezeno roba u vrijednosti od 505.219.000 KM. Pokrivenost uvoza izvozom je 86,7%, a vanjskotrgovinski deficit je 67.115.000 KM.

U odnosu na isti period prošle godine, došlo je do rasta izvoza hrane i pića 49,4%, industrijskih materijala 7,7%, kapitalnih proizvoda 37,1% i proizvoda za široku potrošnju 1,9%, dok je došlo do pada izvoza transportnih sredstava 2,9% i goriva i maziva 0,6%.


Rast uvoza ostvaren je kod hrane i pića 9,7%, goriva i maziva 21,3%, kapitalnih proizvoda 44,6%, transportnih sredstava 5,4% i proizvoda za široku potrošnju 10,9%. U istom periodu došlo je do pada uvoza industrijskih materijala 3,2%.

Najznačajniji vanjskotrgovinski partneri Tuzlanskog kantona su Njemačka, Slovenija, Italija, Hrvatska i Austrija.

Prema podacima Porezne uprave FBiH, u martu 2019. godine broj zaposlenih na području Tuzlanskog kantona je 100.684.

Na evidenciji JU Služba za zapošljavanje Tuzlanskog kantona, Tuzla na kraju marta 2019. godine evidentirane su 76.899 nezaposlene osobe. Stručne osobe učestvuju

sa 50.963 ili 66,27 %, a nestručne sa 25.936 ili 33,73%. U ukupnom broju osoba koje traže zaposlenje u martu su 46.074 žene, a broj osoba koje prvi put traže zaposlenje 33.374 ili 42,1% u odnosu na ukupan broj nezaposlenih.



Zaposleni i nezaposleni u mart 2018-mart 2019. godine

### Kvalifikaciona struktura evidentiranih nezaposlenih osoba u martu je:

STEPEN STR.SPREME	BROJ OSOBA	% UKUPNO
KV	24.110	31,35
VKV	247	0,32
SSS	21.271	27,66
VŠS	355	0,46
VSS	4.980	6,48
PKV	1.176	1,53
NKV	24.736	32,17
NSS	24	0,03



	Zaposlenost (III 2019)	Nezaposlenost (III 2019)
<b>UKUPNO</b>	<b>100.684</b>	<b>76.899</b>
Banovići	6.002	4.321
Čelić	1.190	2.284
Doboj-Istok	2.512	1.898
Gračanica	10.872	7.147
Gradačac	9.248	6.071
Kalesija	5.449	6.977
Kladanj	2.178	2.368
Lukavac	10.594	7.895
Sapna	745	2.005
Srebrenik	7.803	7.315
Teočak	689	1.322
Tuzla	31.364	16.419
Živinice	12.038	10.877

### Zaposleni i nezaposleni u općinama TK

Prosječna neto plata u Tuzlanskom kantonu u martu je iznosila 820,00 KM što je ispod prosjeka Federacije BiH. U odnosu na kantonalni prosjek iz 2018. godine, neto plaća je veća za 2,9%. Najviše prosječne neto plate u Tuzlanskom kantonu su u sektoru proizvodnje i opskrbe el.energijom (1.686 KM), dok su najniže prosječne neto plate u ugostiteljstvu i hotelijerstvu (498 KM).

Djelatnost	Tuzlanski kanton	
	Neto plaća	Bruto plaća
A Poljoprivreda, šumarstvo i ribolov	800	1.204
B Vađenje ruda i kamena	958	1.463
C Prerađivačka industrija	642	966
D Proizvodnja i snabdijevanje el.en., plinom	1.686	2.634
E Snabdijevanje vodom i uklanjanje otpadnih voda	887	1.350
F Građevinarstvo	571	856
G Trgovina na veliko i malo	591	892
H Prevoz, skladištenje i komunikacije	674	1.017
I Hotelijerstvo i ugostiteljstvo	498	749
J Informacije i komunikacije	1.113	1.731
K Finansijske djelatnosti	1.306	2.038
L Poslovanje nekretninama	706	1.075
M Stručne, naučne i tehničke djelatnosti	1.013	1.567
N Administrativne i pomoćne uslužne djelatnosti	579	880
O Javna uprava i odbrana	1.243	1.923
P Obrazovanje	872	1.345
Q Zdravstvena socijalna zaštita	1.207	1.880
R Umjetnost, zabava i rekreacija	824	1.267
S Ostale uslužne djelatnosti	927	1.404

STRUČNA SLUŽBA KOMORE



KANTONALNA PRIVREDNA KOMORA TUZLA



## **Javni poziv za usavršavanje**

### **Usavršavanje za NO i UO**

### **Dostavljanje prijava za usavršavanje**

Javni poziv za dostavljanje prijava za usavršavanje članova nadzornih odbora i članova uprava privrednih društava sa učešćem državnog kapitala

Na osnovu odredaba Uredbe o usavršavanju predsjednika i članova nadzornih odbora i uprava privrednih društava sa učešćem državnog kapitala ("Službene novine F BiH", br. 71/09, 33/10, 23/11, 83/11, 2/13 i 80/13), te Programa usavršavanja ("Službene novine F BiH", br. 40/10), predsjednik Privredne/Gospodarske komore Federacije Bosne i Hercegovine, o b j a v l j u j e

### **Javni poziv za**

dostavljanje prijava za usavršavanje kandidata za članove nadzornih odbora i članove uprava privrednih društava sa učešćem državnog kapitala

1. Objavljuje se Javni poziv za dostavljanje prijava za usavršavanje za članove nadzornih odbora i članove uprava privrednih društava sa učešćem državnog kapitala (u daljnjem tekstu: usavršavanje).
2. Usavršavanje na osnovu javnog ovlaštenja organizira Privredna/Gospodarska komora Federacije Bosne i Hercegovine.
3. Usavršavanje su obavezni proći predsjednici i članovi nadzornih odbora i uprava privrednih društava u kojima ovlasti po osnovu učešća državnog kapitala vrše Federacija BiH, kantoni/županije, gradovi ili općine.

Usavršavanju može pristupiti i svaka druga osoba koje ispunjava uslove predviđene odredbama člana 260. Zakona o privrednim društvima ("Službene novine F BiH br. 23/99, 45/00, 2/02, 6/02, 29/03, 84/08, 88/08 i 7/09).

Prijava za usavršavanje sadrži:

1. Prijavni upitnik možete naći na web-adresi [www.kpktz.ba](http://www.kpktz.ba)
2. Dokaze o ispunjavanju uslova iz Zakona i Uredbe
  - ovjerena fotokopija diplome o sticanju školske spreme
  - potvrda o radnom iskustvu

Kandidati su dužni prijave sa dokazima o ispunjavanju traženih uslova dostavljati lično ili putem pošte na adresu:

Kantonalna privredna komora Tuzla, Trg slobode bb, 75 000 Tuzla, Kontakt osoba za dodatne informacije: Edina Kurtić, [edina@kpktz.ba](mailto:edina@kpktz.ba); 035/ 369-551.

IZJAVA i PRIJAVA na [www.kpktz.ba](http://www.kpktz.ba)